



01  
5218

Broj: 06-11-14/21-47  
Ilidža, 16.03.2021.g

Material za 2. redovno sjednicu  
*[Signature]*

17-03-2021

OPĆINA ILIDŽA  
Općinsko vijeće

PREDMET: Dostava Odluke o izmjenama i dopunama Odluke o kriterijima, načinu i postupku raspodjele budžetskih sredstava općine ilidža iz grantova za projekte u oblasti sporta, kulture i obrazovanja

U prilogu dopisa dostavljamo Vam Odluku o izmjenama i dopunama Odluke o kriterijima, načinu i postupku raspodjele budžetskih sredstava općine ilidža iz grantova za projekte u oblasti sporta, kulture i obrazovanja na usvajanje.

S poštovanjem,

PRILOG:

- Odluka o izmjenama i dopunama Odluke o kriterijima, načinu i postupku raspodjele budžetskih sredstava općine ilidža iz grantova za projekte u oblasti sporta, kulture i obrazovanja.

Izradila: Nermina Udvinčić  
Kontrolisao: \_\_\_\_\_

*[Signature]*

DOSTAVLJENO:  
1x Naslovu  
1x Evidencija  
1x a/a

POMOĆNIK OPĆINSKOG NAČELNIKA  
ZA FINANSIJE

*[Signature]*  
**Benjamin Mešak, dipl. ecc.**





Broj: *OG-11-14/21-46*  
Ilidža, 16.03.2021.g



SAGLASNOST

Općinski načelnik  
Nermin Mužur, magistar uprave

**OPĆINSKI NAČELNIK**

PREDMET: Davanje saglasnosti Općinskog načelnika na materijal za sjednicu Općinskog vijeća

U prilogu Vam dostavljamo materijal kako bi na isti dali svoju saglasnost i to:

1. Odluka o izmjenama i dopunama Odluke o kriterijima, načinu i postupku raspodjele budžetskih sredstava općine ilidža iz grantova za projekte u oblasti sporta, kulture i obrazovanja

DOSTAVLJENO:

1x Naslovu  
1x Evidencija  
1x a/a

PO OVLAŠTENJU OPĆINSKOG NAČELNIKA  
POMOĆNIK OPĆINSKOG NAČELNIKA  
ZA FINANSIJE

*Benjamin Mešak, dipl.ecc*



Garaža se može na parceli locirati u sklopu stambenog objekta odnosno u okviru zadate građevinske linije. Objekti garaže mogu biti samo prizemni.

Broj parking mjesta na pripadajućoj parceli treba odgovoriti odnosu jedan stan jedno parking mjesto, odnosno parkiranje u okviru parcele kapaciteta potrebnog za određenu namjenu objekta.

Član 11.

Izgradnja i postavljanje objekata privremenog karaktera može se odobriti samo za potrebe izgradnje arhitektonskih objekata, objekata komunalne infrastrukture i saobraćajnica koji su u funkciji gradilišta unutar obuhvata ovog Plana i koji se moraju ukloniti nakon završetka radova.

Član 12.

Saglasnost za ograđivanje individualnih građevinskih parcela može se izdati pod uslovom daje ograda transparentna, ne prelazi visinu 1.20 m i ne ulazi u prostor trokuta preglednosti na raskrsnicama naseljskih saobraćajnica.

Poželjno je da se ograđivanje izvrši primjenom "žive ograde" ili u kombinaciji iste sa fiksnim dijelovima.

Član 13.

U trokutu preglednosti saobraćajnica se ne može odobriti postavljanje reklamnih panoa, stubova i građevina, koje mogu ugroziti normalno odvijanje saobraćaja.

Član 14.

U poslovnim prostorima mogu se obavljati sve djelatnosti koje ne ugrožavaju prirodnu sredinu i okoliš, koje ne remete korištenje susjednih građevina i sadržaja. Građevine moraju biti izgrađene prema važećim propisima za djelatnosti koje se u njima obavljaju.

Član 15.

Ovim Planom su planirane sljedeće kategorije zelenila:

1. uređene zelene površine oko javnih objekata i prostora
2. voćnjaci i uređene okućnice
3. voćnjaci i bašte sa utvrđenom prirodnom vrijednosti

Površine utvrđene kao neke od ovih kategorija ne mogu se koristiti za druge namjene, a niti se mogu graditi objekti koji nisu u skladu sa funkcijom koju ta kategorija zelenila treba da ostvari. Posebno je potrebno štititi voćnjake i bašte sa utvrđenom prirodnom vrijednosti.

Izgradnja i uređenje zelenih površina vrši se u skladu sa dokumentacijom urađenom na osnovu Idejnog rješenja hortikulture, koja je sastavni dio Plana.

Član 16.

Kod izrade tehničke dokumentacije i realizacije svih stambenih, stambeno-poslovnih, poslovnih i ostalih objekata, primjenjene konstrukcije moraju biti dimenzionirane za pojavu zemljotresa min. 8° MCS skale.

Član 17.

Uslovi za sklanjanje stanovništva i materijalnih dobara moraju biti obezbijeđeni u skladu sa odredbama Zakona o zaštiti i spašavanju ljudi i materijalnih dobara od prirodnih i drugih nesreća ("Službene novine Federacije BiH", broj 39/03) i odredbama Uredbe o mjerilima, kriterijima i načinu izgradnje skloništa i tehničkim normativima za kontrolu ispravnosti skloništa ("Službene novine Federacije BiH", broj 21/05).

Član 18.

Ova Odluka stupa na snagu osmog dana od dana objavljivanja u "Službenim novinama Kantona Sarajevo".

Broj 01-02-2085/09-2  
29. oktobra 2009. godine  
Ilidža

Predsjedavajuća  
Dr. Smiljana Viteškić, s. r.

Na osnovu člana 13. Zakona o principima lokalne samouprave u Federaciji Bosne i Hercegovine ("Službene novine Federacije BiH", broj 49/06, 51/09) i člana 120. Statuta Općine Ilidža ("Službene novine Kantona Sarajevo", broj 5/98), na prijedlog Komisije za budžet, privredu, finansije i ekonomska pitanja, Općinsko vijeće Ilidža, na 8. redovnoj sjednici, održanoj 29. oktobra 2009. godine donijelo je

**ODLUKU**

**O KRITERIJIMA, NAČINU I POSTUPKU RASPODJELE  
BUDŽETSKIH SREDSTAVA OPĆINE ILIDŽA IZ  
GRANTOVA ZA PROJEKTE U OBLASTI SPORTA,  
KULTURE I OBRAZOVANJA**

POGLAVLJE I. OPĆE ODREDBE

Član 1.

(Predmet Odluke)

Ovom Odlukom se utvrđuju kriteriji, način i postupak raspodjele budžetskih sredstava Općine Ilidža iz grantova za projekte u oblasti sporta, kulture i obrazovanja.

Član 2.

(Aplikanti)

- (1) Sredstva iz člana 1. ove Odluke se dodjeljuju udruženjima, fondacijama, klubovima, sportskim društvima i javnim ustanovama čiji je osnivač Općina Ilidža (u daljnjem tekstu: aplikant) koji su registrovani u Bosni i Hercegovini, imaju sjedište na području općine Ilidža, za projekte koji se realizuju u interesu i na području općine Ilidža.
- (2) Sredstva se mogu dodijeliti i subjektima iz stava 1. ovog člana čije je sjedište na teritoriji druge općine, pod uslovom da se projekat kojim se aplicira realizuje u interesu općine i u potpunosti na području općine Ilidža.

POGLAVLJE II. JAVNI POZIV

Član 3.

(Objavljivanje javnog poziva)

- (1) Sredstva se dodjeljuju na osnovu Javnog poziva koji objavljuje Općinski načelnik na prijedlog Službe za obrazovanje, kulturu, sport i informisanje.
- (2) Javni poziv za raspodjelu sredstava iz člana 1. ove Odluke se objavljuje u sredstvima informisanja i na zvaničnoj web stranici općine Ilidža najkasnije 15 dana od dana stupanja na snagu Budžeta općine Ilidža za tekuću godinu.
- (3) Javni poziv za raspodjelu sredstava traje 30 dana od dana objavljivanja u sredstvima informisanja.

Član 4.

(Komisija za odabir projekata)

- (1) Odabir projekata za finansiranje iz budžeta Općine vrši Komisija za odabir projekata iz oblasti sporta, kulture i obrazovanja (u daljnjem tekstu: Komisija) koju imenuje općinski načelnik.
- (2) Komisija ima predsjednika i četiri člana.
- (3) Tri člana Komisije se imenuju iz reda državnih službenika i namještenika Službe za obrazovanje, kulturu, sport i informisanje, jedan član iz reda državnih službenika Službe za finansije i jedan član Komisije iz reda članova Savjetodavnog odbora mladih Općine Ilidža.
- (4) Stručne i administrativno - tehničke poslove za potrebe Komisije obavljat će Služba za obrazovanje, kulturu, sport i informisanje.

POGLAVLJE III. PROJEKTI PO OBLASTIMA

Član 5.

(Projekti u oblasti sporta)

Sredstva iz člana 1. ove Odluke raspoređuju se iz granta za projekte u oblasti sporta aplikantima čiji se projekti odnose na:

- a) organizovanje i provođenje sportskih manifestacija djece, omladine i odraslih za koje je iskazan prepoznatljiv interes građana i Općine Ilidža,
- b) sportske programe i sadržaje za zadovoljavanje potreba građana i udruženja sa posebnim potrebama u Općini Ilidža,
- c) pripremanje, organizovanje i provođenje sportskih takmičenja,
- d) edukaciju, sportski odgoj i obrazovanje djece i omladine,
- e) aktivnosti koje promovišu amaterizam i volonterizam u sportu.

Član 6.

(Projekti u oblasti kulture)

Sredstva iz člana 1. ove Odluke raspoređuju se iz granta za projekte u oblasti kulture aplikantima čiji se projekti odnose na:

- a) organizovanje manifestacija kulturno-umjetničkog i zabavnog karaktera za zadovoljavanje potreba građana ove Općine,
- b) promoviranje kulturno-umjetničkog amaterizma, volonterizma i očuvanje kulturno-umjetničkog identiteta,
- c) poštivanje demokratskih principa i standarda kulture, obrazovanja i promovisanje volonterizma i timskog rada,
- d) uspostavljanje saradnje među školama i multikulturalne školske razmjene,
- e) programe nacionalnih manjina i njihove kulture.

Član 7.

(Projekti u oblasti obrazovanja)

Sredstva iz člana 1. ove Odluke raspoređuju se iz granta za projekte u oblasti obrazovanja aplikantima čiji se projekti odnose na:

- a) edukacija građana o porocima savremenog svijeta kao što su droga, alkohol, pušenje i ostali toksikološki oblici,
- b) poštivanje demokratskih principa i standarda kulture, obrazovanja i promovisanje volonterizma i timskog rada,
- c) aktivnosti koje promovišu odgovoran odnos prema prirodi i unaprijeđenju kvaliteta ljudskog života (uređenje okoliša, pošumljavanje, hortikulturno uređenje, organizovanje planinarskih pohoda i sl.),
- d) programe koji se odnose na sprečavanje nasilja i maloljetničke delinkvencije,
- e) programe za zadovoljavanje interesa lica sa posebnim potrebama,
- f) programe koji se odnose na građanski aktivizam i uspostavljanje partnerskog odnosa između općine Ilidža i građanskog društva,
- g) aktivnosti koje promovišu ravnopravnost spolova.

POGLAVLJE IV. PRIJAVA NA JAVNI POZIV

Član 8.

(Prijava)

- (1) Prijavu na objavljeni Javni poziv aplikanti podnose Komisiji na obrascu za aplikaciju koja je sastavni dio ove odluke.
- (2) Prijava treba da sadrži:
  - a) popunjen obrazac za aplikaciju,
  - b) rješenje o registraciji (ovjerena kopija),
  - c) uvjerenje o porednoj registraciji (ovjerena kopija),
  - d) ugovor s bankom s navedenim transakcijskim računom (kopija),
  - e) kratak opis subjekta sa podacima o realizovanim projektima u posljednjih godinu dana,
  - f) podatke o kvalifikaciji kadrova koji implementiraju projekat (odgovorne osobe, saradnici, volonteri,)
  - g) projekat kojim organizacija aplicira za dodjelu sredstava, sa jasnom definicijom projektnog cilja, opisom potrebe, ciljne grupe, očekivanim rezultatima, aktivnostima, te specifikacijom troškova za realizaciju projekta,
  - h) uvjerenje o izmirenim poreskim obavezama (Poreska uprava), (original ili ovjerena kopija),

- i) uvjerenje o izmirenim doprinosima za zaposlene (ukoliko ima zaposlenih) (original ili ovjerena kopija)
  - j) bilans stanja i uspjeha za protekle dvije godine, ovjeren kod nadležnog organa (ovjerena kopija).
- (3) Aplikant može konkurisati na ukupan iznos vrijednosti projekta ili dio nedostajućih sredstava, što je dužan naznačiti u zahtjevu.
  - (4) Aplikant može konkurisati s neograničenim brojem projekata, te može biti podržano više njegovih projekata.
  - (5) Ukoliko aplikant, kojem su dodijeljena sredstva po Javnom pozivu, za prethodnu godinu nije dostavio izvještaj iz člana 15. ove Odluke ne može učestvovati u raspodjeli sredstava za tekuću godinu.

Član 9.

(Obrazac za aplikaciju)

Obrazac za aplikaciju popunjava ovlašteno lice aplikanta i sadrži:

- a) puni naziv aplikanta,
- b) status, datum, broj i mjesto registracije,
- c) sjedište aplikanta, (ulica, mjesto, telefon, fax, e-mail, web stranica),
- d) identifikacioni broj aplikanta,
- e) transakcijski račun aplikanta,
- f) ime i prezime osobe odgovorne za provođenje projekta,
- g) kratak opis aplikanta,
- h) kratak opis projektne ideje,
- i) iznos sredstva potreban za finansiranje ili sufinansiranje projekta,
- j) informacija o projektima koje je do sada finansirala/sufinansirala Općina Ilidža,
- k) način na koji će aplikant informisati javnost o aktivnostima realizacije projekta,
- l) za projekte koji su planirani da se realizuju u školama navesti broj i datum pismene saglasnosti direktora škole,
- m) broj i datum uvjerenja o izmirenim poreskim obavezama i doprinosima,
- n) rubriku ostalo u kojoj se upisuju dodatne informacije o projektu koje su od važnosti za odlučivanje Komisije, koje na drugom mjestu nisu pomenute.

POGLAVLJE V. KRITERIJI ZA RASPODJELU SREDSTAVA

Član 10.

(Pozitivni i eliminatorni kriteriji)

- (1) Općinski načelnik vrši odabir projekata na osnovu prijedloga Komisije koji je sačinjen u skladu sa sljedećim kriterijima:
  - a) Pozitivni kriteriji:
    - 1) vezanost projekta za oblast navedene u članu 5., 6. i 7. ove Odluke,
    - 2) kvalifikovano članstvo ili osoblje za realizaciju projekta,
    - 3) jasna definicija ciljne grupe (kome je namijenjen),
    - 4) očekivani rezultati (efekti na ciljnu grupu),
    - 5) jasna raspodjela odgovornosti - odgovorna osoba, saradnici i volonteri,
    - 6) sufinansiranje projekta kod kojeg se najmanje 20% budžeta finansira iz višeg nivoa vlasti ili od strane međunarodne zajednice ili izvora utvrđenih zakonom.
  - b) Eliminatorni kriteriji:
    - 1) nedostaju formalni uslovi za kandidovanje projekata (nepotpuna ili netačna dokumentacija),
    - 2) nije pravdan utrošak sredstava za ranije odobrene projekte (nije dostavljen finansijski izvještaj o realizaciji ranije odobrenih projekata,
    - 3) projektu nedostaje jasan prikaz rezultata koji se očekuju,
    - 4) aktivnosti koje se planiraju van Općine Ilidža neće se razmatrati,
    - 5) prijedlog projekta u odgovarajućoj formi, ali nedostaju ključni elementi,

- 6) projekat je usmjeren na promociju političke stranke.

#### Član 11.

(Ocjena projekata)

- (1) Za ocjenu projekata prema pozitivnim kriterijima koristi se skala od 1 do 5 poena za svaki kriterij pojedinačno.
- (2) Svaki član Komisije dodjeljuje bodove za svaki od pojedinačnih kriterija. Konačna ocjena bodova predstavlja zbir bodova svih članova Komisije.
- (3) Ukoliko primjena nekog od eliminatormih kriterija nije rezultat ocjene svih članova Komisije pojedinačno, odluka o primjeni eliminatormog kriterija se donosi većinom glasova ukupnog broja članova Komisije.
- (4) Komisija konačnu ocjenu svakog projekta vrši na obrascu za Komisiju koji je sastavni dio ove Odluke.

#### Član 12.

(Obrazac za Komisiju)

Obrazac za Komisiju sadrži:

- a) naznaku da li se projekat podržava u cjelini ili dio projekta,
- b) ako se podržava dio projekta, naznaku tačnog naziva dijela projekta koji se podržava,
- c) ocjenu projekta u brojkama (na osnovu skale ocjenjivanja po kriterijima utvrđenih ovom Odlukom) koju popunjava Komisija nakon izvršenog vrednovanja projekta,
- d) naznaku da se odbija projekat (popunjava se u slučaju da nije popunjena rubrika broj 1.),
- e) rubriku sa detaljnim obrazloženjem za odbijanje (popunjava se u slučaju odbijanja),
- f) rubriku ostalo za dodatna mišljenja i obrazloženja vezana za projekat od važnosti za odlučivanje Komisije, a njihovo vrednovanje nije propisano predviđenim kriterijima,
- g) potpise predsjednika Komisije i svih članova pojedinačno.

#### Član 13.

(Odluka o raspodjeli sredstava)

- (1) Komisija donosi Prijedlog Odluke o raspodjeli sredstava rukovodeći se ocjenom projekta na osnovu kriterija propisanih u članu 10. ove Odluke. U slučaju da dva ili više projekata dobiju isti broj bodova, a raspoloživa sredstva nisu dovoljna za njihovo finansiranje, Komisija većinom glasova vrši odabir projekta za finansiranje.
- (2) Komisija je dužna da pripremi Prijedlog Odluke o raspodjeli sredstava i istu dostavi općinskom načelniku u roku od 30 (trideset) dana od dana isteka roka Javnog poziva za prijavu projekata.

- (3) Odluku o raspodjeli sredstava iz stava (2) ovog člana općinski načelnik će objaviti na zvaničnoj web stranici i oglasnoj tabli Općine Ilidža i istu dostaviti putem Komisije u pisanoj formi svakom aplikantu pojedinačno.

### POGLAVLJE VI. UGOVORI SA APLIKANTIMA

#### Član 14.

(Ugovori za odobrene projekte)

- (1) Nakon donošenja Odluke o raspodjeli sredstava, općinski načelnik zaključuje ugovore koji sadrže prava, obaveze i odgovornosti, način praćenja realizacije odobrenog projekta, način praćenja namjenskog trošenja sredstava, te elemente opisnog i finansijskog izvještavanja o realizaciji projekta.
- (2) Sredstva će biti doznačena nakon potpisivanja ugovora jednokratno ili u ratama u skladu sa prilivom budžetskih sredstava Općine Ilidža.

#### Član 15.

(Izvještaji)

Aplikanti kojima su dodijeljena budžetska sredstva za projekte podnose opisni i finansijski izvještaj o realizaciji projekta općinskom načelniku 30 dana nakon realizacije projekta, odnosno najkasnije do kraja kalendarske godine.

#### Član 16.

(Praćenje zaključenih ugovora)

Realizaciju zaključenih ugovora za odobrene projekte iz člana 13. stav (1) ove Odluke prate Služba za obrazovanje, kulturu, sport i informisanje i Služba za finansije Općine Ilidža.

### POGLAVLJE VII. ZAVRŠNE ODREDBE

#### Član 17.

(Prestanak primjene)

Danom stupanja na snagu ove odluke prestaje da važi Odluka o kriterijima za sufinansiranje projekata nevladinih organizacija ("Službene novine Kantona Sarajevo", broj 21/06).

#### Član 18.

(Stupanje na snagu)

Ova Odluka stupa na snagu narednog dana od dana objavljivanja u "Službenim novinama Kantona Sarajevo", a primjenjivat će se od 1. januara 2010. godine.

Broj 01-02-2085/09-4  
29. oktobra 2009. godine  
Ilidža

Predsjedavajuća  
Dr. Smiljana Viteškić, s. r.

**OBRAZAC ZA APLIKACIJU**

1. za finansiranje projekata iz granta u oblasti sporta
2. za finansiranje projekata iz granta u oblasti kulture
3. za finansiranje projekata iz granta u oblasti obrazovanja  
(zaokružiti potrebno)

NAZIV PROJEKTA \_\_\_\_\_  
\_\_\_\_\_

POPUNJAVA APLIKANT (čitko, štampanim slovima)

1. Podaci o aplikantu:  
(puni naziv i sjedište) \_\_\_\_\_  
\_\_\_\_\_

Status, datum i broj \_\_\_\_\_  
i mjesto registracije \_\_\_\_\_  
\_\_\_\_\_

Adresa aplikanta \_\_\_\_\_  
(ulica, mjesto, telefon, fax,

e-mail, web stranica): \_\_\_\_\_

Identifikacioni broj

Transakcijski račun  
kod banke

Ime i prezime osobe odgovorne za provođenje projekta:

2. Kratak opis aplikanta (realizirani projekti, partneri, broj volontera , zaposlenih itd.)

3. Kratak opis projektne ideje (ciljna grupa, metodologija / način rada, vremenski plan implementacije itd.)

4. Sredstva potrebna za realizaciju projekta ili dijela za koji se aplicira sadržanih po segmentima i informacija da li je aplikant za dio sredstava aplicirao kod drugog sufinansijera
  
5. Informacije o projektima koje je do sada su/finansirala Općina Ilidža (naziv projekta, ukupan iznos primljenih sredstava, oznaka da li je projekat realizovan)
  
6. Na koji način će aplikant informisati javnost o aktivnostima realizacije projekta
  
7. Broj i datum pismene saglasnosti direktora škole za realizaciju projekta ako se projekat realizuje u školi ili sa učenicima škole
  
8. Broj i datum uvjerenja o izmirenim poreskim obavezama i doprinosima
  
9. Ostalo (mišljenja i obrazloženja vezana za projekat koja mogu biti od dopunskog značaja)

Potpis lica koje je popunilo obrazac i pečat aplikanta

---

OBRAZAC ZA KOMISIJU

1. Projekat podržavamo:

- a) u cjelini
- b) djelimično:

\_\_\_\_\_

(tačan naziv dijela projekta koji se podržava)

2. Ocjenu projekta u brojkama:

\_\_\_\_\_

3. Projekat se odbija (obrazložiti razloge odbijanja)

\_\_\_\_\_

4. OSTALO

\_\_\_\_\_

Komisija

1. \_\_\_\_\_

2. \_\_\_\_\_

3. \_\_\_\_\_

4. \_\_\_\_\_

5. \_\_\_\_\_

Datum,



## PRIJEDLOG

Na osnovu člana 13. Zakona o principima lokalne samouprave u Federaciji Bosne i Hercegovine („Službene novine Federacije BiH“, broj 49/06, 51/09) i člana 85. i 86. Statuta Općine Ilidža - Prečišćeni tekst („Službene novine Kantona Sarajevo“, broj: 33/10 i 18/16), na prijedlog Službe za finansije, Općinsko vijeće Ilidža na \_\_\_\_\_ redovnoj sjednici održanoj dana \_\_\_\_\_ 2021.godine donijelo je

### ODLUKU

#### **O IZMJENAMA I DOPUNAMA ODLUKE O KRITERIJIMA, NAČINU I POSTUPKU RASPODJELE BUDŽETSKIH SREDSTAVA OPĆINE ILIDŽA IZ GRANTOVA ZA PROJEKTE U OBLASTI SPORTA, KULTURE I OBRAZOVANJA**

##### **Član 1. (Izmjena člana 2.)**

U Odluci o kriterijima, načinu i postupku raspodjele budžetskih sredstava Općine Ilidža iz grantova za projekte u oblasti sporta, kulture i obrazovanje („Službene novine Kantona Sarajevo“, broj: 30/09) u članu 2. stav (2) se briše.

##### **Član 2. (Izmjena i dopuna člana 3.)**

Član 3. mijenja se i glasi:

##### **„Član 3. (Objavljivanje javnog poziva)**

- (1) Budžetska sredstva iz ovog granta aplikantima se dodjeljuju putem javnog poziva osim ako je udruženje proglašeno od javnog i društvenog značaja od strane Općinskog vijeća.“
- (2) Javni poziv za raspodjelu sredstava iz člana 1.ove Odluke se objavljuje u sredstvima informisanja i na zvaničnoj web stranici Općine Ilidža.
- (3) Javni poziv za raspodjelu sredstava traje 30 dana od dana objavljivanja u sredstvima informisanja ukoliko nije drugačije propisano u javnom pozivu.
- (4) Javni poziv sadrži:
  - a) predmet javnog poziva;
  - b) opće i posebne kriterije za raspodjelu sredstava koji su propisani ovom odlukom;
  - c) dodatne kriterije propisane prilikom raspisivanja javnog poziva;
  - d) popis potrebne dokumentacije;
  - e) i druge informacije relevantne za proces javnog poziva.“

##### **Član 3. (Izmjena člana 4.)**

- (1) U članu 4. stav (2) mijenja se i glasi: „Komisija može imati najmanje 3 člana, a najviše 7 članova.“
- (2) Član 4. stav (3) se briše.
- (3) Dosadašnji stav (4) postaje stav (3).

**Član 4.**  
**(Izmjena člana 5.)**

Član 5. se mijenja i glasi:

„Član 5.  
(Projekti u oblasti sporta)

- (1) Sredstva iz člana 1. Odluke raspoređuju se za oblast sporta aplikantima čiji se projektni prijedlozi odnose na:
- a) takmičenja seniorskog nivoa u organizaciji matičnog strukovnog saveza (lige i prvenstva na kantonalnom, federalnom i državnom nivou),
  - b) takmičenja mlađih selekcija i uzrasta u organizaciji matičnog strukovnog saveza (lige i prvenstva na kantonalnom, federalnom i državnom nivou),
  - c) organizovanje i provođenje projektnih prijedloga iz oblasti sporta namijenjenih djeci, omladini i odraslima za koje je iskazan prepoznatljiv javni interes,
  - d) sportske sadržaje za zadovoljavanje potreba građana i osoba sa invaliditetom,
  - e) aktivnosti koje pozitivno afirmišu i promovišu općinu Ilidža i dr.
- (2) Ukoliko su predviđena sredstva za organizaciju manifestacija iz oblasti sporta u Budžetu za tekuću godinu, općinski načelnik može na prijedlog nadležne službe finansirati/sufinansirati iste, ukoliko su od prepoznatljivog interesa za općinu Ilidža, neposrednom dodjelom po zahtjevu aplikanta.“

**Član 5.**  
**(Izmjena člana 6.)**

(1) Član 6. se mijenja i glasi:

„Član 6.  
(Projekti u oblasti kulture)

- „ (1) Sredstva iz člana 1. Odluke raspoređuju se za oblast kulture aplikantima čiji se projektni prijedlozi odnose na:
- a) aktivnosti kulturno-umjetničkog i zabavnog karaktera za zadovoljavanje potreba građana općine Ilidža,
  - b) promoviranje kulturno-umjetničkog amaterizma, volonterizma i očuvanje kulturno-umjetničkog identiteta,
  - c) poštivanje demokratskih principa i standarda kulture, obrazovanja i promovisanje volonterizma i timskog rada,
  - d) promocija timskog rada, edukacije, odgoj i obrazovanje djece i omladine iz oblasti tradicije i kulture,
  - e) programe nacionalnih manjina i njihove kulture.
- (3) Ukoliko su predviđena sredstva za organizaciju manifestacija iz oblasti kulture u Budžetu za tekuću godinu, općinski načelnik može na prijedlog nadležne službe finansirati/sufinansirati iste, ukoliko su od prepoznatljivog interesa za općinu Ilidža, neposrednom dodjelom po zahtjevu aplikanta.“

**Član 6.**  
**(Izmjena člana 7.)**

(1) Član 7. se mijenja i glasi:

„Član 7.  
(Projekti u oblasti obrazovanja)

„(1) Sredstva iz člana 1. Odluke raspoređuju se za oblast obrazovanja aplikantima čiji se projektni prijedlozi odnose na:

- a) edukaciju građana o porocima savremenog svijeta kao što su droga, alkohol, pušenje i ostali toksikološki oblici,
- b) poštivanje demokratskih principa i standarda kulture, obrazovanja i promovisanje volonterizma i timskog rada,
- c) aktivnosti koje promovišu odgovoran odnos prema prirodi i unaprijeđenju kvaliteta ljudskog života (uređenje okoliša, pošumljavanje, hortikulturno uređenje, organizovanje planinarskih pohoda i sl.),
- d) aktivnosti koje se odnose na sprečavanje nasilja i maloljetničke delikvencije,
- e) aktivnosti na zadovoljavanju interesa lica sa invaliditetom,
- f) aktivnosti koje se odnose na građanski aktivizam,
- g) aktivnosti koje promovišu ravnopravnost spolova,
- h) izdavačka djelatnost i drugi projekti iz oblasti obrazovanja.“

### **Član 7. (Izmjena člana 8.)**

Član 8. se mijenja i glasi:

#### **„Član 8. (Prijava)**

- (1) Pravo na dodjelu sredstava imaju organizacije koja ispunjavaju sljedeće opće uslove:
  - a) da su osnovane i registrovane u Bosni i Hercegovini,
  - b) da svoje aktivnosti razvijaju na području Općine,
  - c) da imaju sjedište na području Općine.
  - d) da su projekti namijenjeni građanima Općine,
  - e) da se projekti odnose na oblasti sporta, kulture i obrazovanja,
  - f) da nisu obavljale i ne obavljaju aktivnosti u ime političke partije,
  - g) da su po prethodnim javnim pozivima ispunili obavezu podnošenja narativnog i finansijskog izvještaja o utrošku sredstava.
- (2) Obavezna dokumentacija koja se treba dostaviti prilikom prijave za dodjelu sredstava je:
  - a) Popunjeni obrasci za prijavu za finansiranje/sufinansiranje koji će biti u prilogu javnog poziva,
  - b) rješenje o registraciji organizacije (Aktuelni izvadak iz Registra ne stariji od 3 mjeseca),
  - c) uvjerenje o poreskoj registraciji – identifikacioni broj,
  - d) uvjerenje o izmirenim poreskim obavezama i izmirenim porezima i doprinosim za zaposlenike (ukoliko ih ima),
  - e) bilans stanja i bilans uspjeha za prethodne dvije godine, ovjeren od strane nadležne agencije za finansijsko poslovanje i licenciranog i ovlaštenog knjigovođe,
  - f) Program rada i finansijski plan udruženja za tekuću godinu usvojen od strane nadležnog tijela udruženja/neprofitne organizacije,
  - g) Potvrda banke o postojanju transakcijskog računom, dokaz da nije račun blokiran ne stariji od 3 mjeseca (ovjereni kopija),
- (3) Aplikant je obavezan dostaviti i dodatnu dokumentaciju propisanu javnim pozivom.
- (4) Organizacije koje nisu dostavili narativni i finansijski izvještaj o utrošku sredstava za prethodne godine, ne mogu biti prihvaćeni za finansiranje/sufinansiranje naredne tri godine,
- (5) Aplikant može dostaviti najviše tri projektna prijedloga, od kojih će biti finansirana/sufinansirana maksimalno dva projektna prijedloga.“

**Član 8.**  
**(Dopuna člana 10.)**

- (1) U članu 10. stavu (1) alineja a) tačka 6. mijenja se „20%“ u „30%“.
- (2) U stavu (1) alineji b) iza tačke 6. dodaje se nova tačka 7. koja glasi: „7. dodijeljivanje granta trećoj strani, kupovina nekretnine, pokrivanje deficita, investicije, stručna usavršavanja, školovanje, retroaktivno finansiranje projekata i drugo što može biti propisano javnim pozivom.“

**Član 9.**  
**(Stupanje na snagu Odluke)**

Ova odluka stupa na snagu narednog dana od dana objavljivanja u "Službenim novinama Kantona Sarajevo", a primjenjuje se od 01. aprila 2021.godine.

**PREDSJEDAJUĆI**

**Tarik Stambolić, magistar poslovnog prava**

Broj \_\_\_\_\_

\_\_\_\_\_ 2021.godine

Ilidža

## OBRAZLOŽENJE:

### I PRAVNI OSNOV

Pravni osnov za donošenje Odluke su:

- član 13. Zakona o principima lokalne samouprave u Federaciji Bosne i Hercegovine („Službene novine Federacije BiH“, broj 49/06, 51/09) i
- član 85. i 86. Statuta Općine Ilidža - Prečišćeni tekst („Službene novine Kantona Sarajevo“, broj: 33/10 i 18/16).

### II RAZLOZI DONOŠENJA

Potreba za izmjenama i dopunama Odluke o kriterijima, načinu i postupku raspodjele budžetskih sredstava Općine Ilidža iz grantova za projekte u oblasti sporta, kulture i obrazovanja („Službene novine Kantona Sarajevo“, broj: 30/09) zasniva se na činjenici da je ista usvojena 2009.godine, što dovodi zaključku da bi se trebalo pristupiti i izradi nove odluke koja će propisivati dodjelu grantova za projekte udruženja putem javnog poziva.

U 2021. godini Budžet Općine Ilidža izrađen je na drugačiji način nego prethodnih godina, te su ekonomski kodovi prilagođeni namjeni utroška budžetskih sredstava. Samim tim i shodno Zaključku Kolegija 01-02-75/21 od 12.02.2021.godine, potreba za izmjenom ove Odluke je zbog transparentnog utroška sredstava namijenjenih za grant za projektne prijedloge udruženja, fondacija, klubova, sportskih društava i javnih ustanova putem javnog poziva i neophodna je radi implementacije ove odluke i realizacije utroška sredstava za projekte putem javnog poziva iz oblasti sporta, kulture i obrazovanja.

U Odluci o izmjenama i dopunama Odluke izvršene su sljedeće izmjene i dopune:

- Grant koji je planiran u budžetu općine Ilidža za finansiranje/sufinansiranje projektnih prijedloga udruženja vršit će se putem javnog poziva na koji se mogu prijaviti samo udruženja sa sjedištem na području općine Ilidža u skladu sa odlukama koje su na snazi i u drugim općinama Kantona Sarajevo,
- Preciznije je uređeno finansiranje/sufinansiranje udruženja koje je Općinsko vijeće proglasilo od javnog i društvenog značaja iz ovog granta,
- S obzirom na to da se Budžet Općine Ilidža usvaja u martu mjesecu, potrebno je prilagoditi rokove koji su definisani odlukom na način da se omogući raspisivanje javnog poziva u što kraćem roku, ali i skraćenje trajanja samog javnog poziva radi realizacije javnog poziva i dodjele sredstava dobitnicima,
- Ne ograničava se formiranje Komisije s obzirom da nisu popunjena sva radna mjesta u Službi koja je definisana Odlukom i time bi otežali proces formiranja Komisije, a samim tim i odgodili realizaciju javnog poziva,
- Preciznije se uređuju oblasti sporta, kulture i obrazovanja za projektne prijedloge aplikantata,
- Preciznije se uređuju uslovi i prava na dodjelu sredstava, obavezna dokumentacija, broj projektnih prijedloga sa kojima se aplicira kao i maksimalni broj projektnih prijedloga koji može biti finansiran/sufinansiran,
- Preciznije se definišu pozitivni i eliminatorni kriteriji, shodno potrebi da se definišu aktivnosti koje neće biti sufinansirane po javnom pozivu.

Shodno prethodno navedenom, Služba za finansije predlaže Općinskom vijeću Ilidža da usvoji predloženu Odluku o izmjenama i dopunama odluke o kriterijima, načinu i postupku raspodjele budžetskih sredstava Općine Ilidža iz grantova za projekte u oblasti sporta, kulture i obrazovanja radi implementacije budžetskih sredstava namijenjenih za grant projektima iz oblasti sporta, kulture i obrazovanja.

### **III POTREBNA FINANSIJSKA IZDVAJANJA**

Planirana su sredstva u Budžetu Općine Ilidža za 2021.godinu za realizaciju ove Odluke.

### **IV PRILOG**

- Odluka o kriterijima, načinu i postupku raspodjele budžetskih sredstava Općine Ilidža iz grantova za projekte u oblasti sporta, kulture i obrazovanja („Službene novine Kantona Sarajevo“, broj: 30/09),
- Prijedlog Odluke o izmjenama i dopunama odluke o kriterijima, načinu i postupku raspodjele budžetskih sredstava Općine Ilidža iz grantova za projekte u oblasti sporta, kulture i obrazovanja.